

Уранды жерасты ұңғымасында шайып сілтiсiздeндiру әдiсiмeн өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру қағидаларын бекiту туралы

Қазақстан Республикасы Экология, геология және табиғи ресурстар министрінің 2020 жылғы 28 сәуірдегі № 99 бұйрығы. Қазақстан Республикасының Әділет министрлігінде 2020 жылғы 29 сәуірде № 20512 болып тіркелді.

Қазақстан Республикасы Орман кодексінің 13-бабы 1-тармағының 18-52) тармақшасына және 54-бабының 1-1-тармағына сәйкес **БҰЙЫРАМЫН:**

Ескерту. Кіріспе жаңа редакцияда – ҚР Экология және табиғи ресурстар министрінің 05.06.2025 № 151 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

1. Қоса беріліп отырған Уранды жерасты ұңғымасында шайып сілтiсiздeндiру әдiсiмeн өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру қағидалары бекітілсін.

2. Қазақстан Республикасы Экология, геология және табиғи ресурстар министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрықтың Қазақстан Республикасы Экология, геология және табиғи ресурстар министрлігінің интернет-ресурсында орналастырылуын;

3) осы бұйрық мемлекеттік тіркелгеннен кейін он жұмыс күні ішінде Қазақстан Республикасы Экология, геология және табиғи ресурстар министрлігінің Заң қызметі департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтердің ұсынылуын қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Экология, геология және табиғи ресурстар вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының
Экология, геология және табиғи ресурстар министрі

М. Мирзагалиев

"КЕЛІСІЛДІ"

Қазақстан Республикасы

Ауыл шаруашылығы министрлігі

"КЕЛІСІЛДІ"

Қазақстан Республикасы
Ұлттық экономика министрлігі
"КЕЛІСІЛДІ"
Қазақстан Республикасы
Энергетика министрлігі

Қазақстан Республикасы
Экология, геология және
табиғи ресурстар министрінің
2020 жылғы 28 сәуірдегі
№ 99 бұйрығымен
бекітілген

Уранды жерасты ұңғымасында шайып сілтiсiздeндiру әдiсiмен өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру қағидалары

1-тарау. Жалпы ережелер

1. Осы Уранды жерасты ұңғымасында шайып сілтiсiздeндiру әдiсiмен өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру қағидалары (бұдан әрi - Қағидалар) Қазақстан Республикасының 2003 жылғы 8 шiлдедегi Орман кодексiнiң (бұдан әрi - Орман кодексi) 13-бабы 1-тармағының 18-52) тармақшасына, 54-бабының 1-1-тармағына сәйкес әзiрлендi және Уранды жерасты ұңғымасында шайып сілтiсiздeндiру әдiсiмен өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру тәртiбiн айқындайды.

2. Мемлекеттiк орман қоры жерiнде уранды жерасты ұңғымасында шайып сілтiсiздeндiру әдiсiмен өндiру оны басқа санаттардағы жерге ауыстырмай, осы қағидаларымен айқындаған тәртiппен, бүлiнген жер учаскелерiн кейiннен рекультивациялай отырып және оларды орман иеленушiге бере отырып жүзеге асырылады.

3. Осы Қағидаларда мынадай ұғымдар пайдаланылады:

1) бүлiнген жер учаскелерi - адамның өндiрiстiк қызметi нәтижесiнде бастапқы ландшафтын және өзге де құндылығын жоғалтқан немесе топырақ жамылғысының, гидрологиялық режимiнiң және жер рельефiнiң бүлiнуiне байланысты қоршаған ортаға терiс әсер ету көзi болып табылатын жер;

2) бүлiнген жерлердi қалпына келтiру жобасы - сызбаларды, есептердi және сипаттауды, географиялық бейнелер мен негiздемелердi қамтитын техникалық, экономикалық, жоспарлы құжаттардың жиынтығы;

3) бүлiнген жер учаскелерiн қалпына келтiру - белгiлi бiр мақсатта пайдалану үшiн бүлiнген жердi, оның iшiнде бүлiнген жердiң керi әсерi нәтижесiнде өз құндылығын

толық немесе ішінара жоғалтқан іргелес жатқан жер учаскелерін қалпына келтіруге, сондай-ақ қоршаған ортаны жақсартуға бағытталған жұмыстар кешені;

4) мемлекеттік орман қорының жерлері - табиғи түрде ағаш өскен, бюджет қаражаты есебінен қолдан ағаш өсірілген және ағаш өспеген (орманды және ағаш өспеген алқаптар), орман шаруашылығын жүргізетін мемлекеттік ұйымдарға тұрақты жер пайдалануға берілген жерлер;

5) орман иеленушілер - мемлекеттік орман қоры учаскелері тұрақты жер пайдалану құқығымен берілген мемлекеттік ұйымдар, сондай-ақ Орман кодекске сәйкес жекеше орман қоры учаскесі меншігінде болатын жеке және мемлекеттік емес заңды тұлғалар.

2-тарау. Уранды жерасты ұңғымасында шайып сілтiсiздендiру әдiсiмен өндiру кезiнде мемлекеттiк орман қоры жерiнде бүлiнген жер учаскелерiн рекультивациялау және оларды орман иеленушiге беру тәртiбi

4. Уранды жерасты ұңғымасында шайып сілтiсiздендiру әдiсiмен өндiру кезiнде мемлекеттiк орман қоры жерiнде бүлiнген жер учаскелерiн рекультивациялау "Бүлiнген жерлердi қалпына келтiру жобаларын әзiрлеу жөнiндегi нұсқаулықты бекiту туралы" Қазақстан Республикасы Ауыл шаруашылығы министрінің 2023 жылғы 2 тамыздағы № 289 бұйрығына (Нормативтік құқықтық актілерді мемлекеттік тіркеу тізілімінде № 33250 болып тіркелген) сәйкес әзірленетін бүлiнген жерлердi қалпына келтiру жобалар негiзiнде жер қойнауын пайдаланушылармен жүзеге асырылады.

Ескерту. 4-тармақ жаңа редакцияда – ҚР Экология және табиғи ресурстар министрінің 05.06.2025 № 151 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

5. Жер қойнауын пайдаланушылар мемлекеттік орман қоры учаскелерін уранды жерасты ұңғымасында шайып сілтiсiздендiру әдiсiмен өндiру үшін пайдаланған кезде жер қойнауын игерудің алғашқы үш жылы бойы пайдаланылатын учаскенің екі есе мөлшерінде орман екпелерін өтемдік отырғызуды және орман айналған алаңға ауыстырылғанға дейін оларды күтіп-ұстауды жүргізеді.

6. Орман екпелерін отырғызу үшін орман екпелерінің сенімділігін қамтамасыз етуге , оларды агротехникалық күтіп-баптау қажеттілігін азайтуға және орман екпелерін орман көмкерген жерлерге ауыстыруды тездетуге мүмкіндік беретін стандартты сеппелер мен көшеттер пайдаланылады.

7. Бүлiнген жер учаскелерiн рекультивациялау кезiнде орман ағаштарын құру және орман екпелерiн өтемдік отырғызу мемлекеттік орман қоры учаскелерінде орман иеленуші әзірлеп, оның бірінші басшысы бекіткен жұмыс жобалар және осы салада маманданған жобалау-ізвестіру ұйымдары әзірлеген жұмыс жобалар бойынша Қазақстан Республикасы Ауыл шаруашылығы министрінің 2014 жылғы 22 желтоқсандағы № 18-02/681 бұйрығымен бекітілген Ормандарды молықтыру мен орман өсіру және олардың сапасына бақылау жасау қағидаларына (Нормативтік

құқықтық актілерді мемлекеттік тіркеу тізілімінде № 10119 болып тіркелген) сәйкес жер қойнауын пайдаланушылармен жүзеге асырылады.

8. Уранды жерасты ұңғымасында шайып сілтісіздендіру әдісімен өндіру кезінде мемлекеттік орман қоры жерінде бүлінген жер учаскелерін рекультивациялау және оларды орман иеленушіге беру учаскелерді қарап-тексерген соң және бүлінген жерлерді қалпына келтіру жобасында көзделген жұмыстарды орындаудың толықтығы мен сапасын бағалағаннан кейін және Қазақстан Республикасы Энергетика министрінің 2018 жылғы 22 мамырдағы № 200 бұйрығымен бекітілген Көмірсутектерді барлау мен өндіру және уран өндіруді жүргізу кезіндегі консервациялау және жою қағидаларына (Нормативтік құқықтық актілерді мемлекеттік тіркеу тізілімінде № 17094 болып тіркелген) 2-қосымшаға сәйкес нысан бойынша жер қойнауын пайдалану салдарын жою актісіне қол қойғаннан кейін аяқталған болып есептеледі.